

Kommunini suliassaqarfiit aaqqissuuteqqinnejnarerat pillugu Inatsisartut inatsisaat

Kapitali 1

Kommuneqarfinnut agguataarineq

§ 1. 1. januar 2009-miit Kalaallit Nunaat kommuneqarfinnut sisamanut aggorneqarpoq.

Imm. 2. Avannaani kommunimut siunissami ilaapput:

- 1) Qaanaap kommunia
- 2) Kommuneqarfik Upernivik
- 3) Uummannap kommunia
- 4) Ilulissat kommuniat
- 5) Qeqertarsuup kommunia
- 6) Qasigiannguit kommuniat
- 7) Aasiaat kommuniat
- 8) Kangaatsiap kommunia

Imm. 3. Qeqqani kommunimut siunissami ilaapput:

- 1) Sisimiut kommuniat
- 2) Maniitsup kommunia

Imm. 4. Tunup/Kitaata kommunianut siunissami ilaapput:

- 1) Nuup kommunia
- 2) Paamiut kommune
- 3) Ivittuut kommuniat
- 4) Ittoqqortoormiit kommuniat
- 5) Ammassalip kommunia

Imm. 5. Kujataani kommunimut siunissami ilaapput:

- 1) Qaqortup kommunia
- 2) Narsap kommunia
- 3) Nanortalik kommunia

Kapitali 2

Qinersineq il.il.

Kommunalbestyrelsinut qinersineq

§ 2. Kommunalbestyrelsinut nutaanut siullermeersumik qinersinerit 8. april 2008-mi pissapput.

Qinersineq pissaaq communalbestyrelsinut, nunaqarfinni aqutsisunut ilagiillu sinnisaannut qinersinarerit pillugit inatsisartut inatsisaanni §§ 1-imiit 35-mut naapertorlugin. Kujataata kommuniani Qeqqatalu kommuniani communalbestyrelsit 15-inik ilaasortaqaarput. Avannaani aamma Tunup/Kitaata kommuniani communalbestyrelsit 21-nik ilaasortaqaarput. Illeqquusumik communalbestyrelsinut qinersinerni, 2008-p kingorna pisussani, kingusinnerpaamik ukiup qinersiffiusussap siuliata naannginnerani communalbestyreli aalajangersinnaavoq Kujataani kommunimi aamma Qeqqani kommunimi ilaasortat amerlassusaat 15-inik ikinnerussasut aamma Avannaani aamma Tunup/Kitaata kommuniani 21-nik ikinnerussasut. Ilaasortat amerlassusaat akunnattuussapput aqutsinermilu malittarisassatigut aalajangersarneqarsimassallutik.

Imm. 2. Qinersinermi taasanik kisitsineqassaaq communalbestyrelsinut, nunaqarfinni aqutsisunut ilagiillu sinnisaannut qinersinarerit pillugit inatsisartut inatsisaanni §§ 36-miit 40-mut naapertorlugin.

Imm. 3. Kommunalbestyrelsinut, nunaqarfinni aqutsisunut ilagiillu sinnisaannut qinersinarerit pillugit inatsisartut inatsisaat tunngavigalugu maleruagassiat inatsisartut inatsisaat manna malillugu qinersinernut taamatulli atuutsinneqarput.

§ 3. Kommuniusimasuni qinersinermik siulersuisut taaguinermi siulersuisunit naatsorsukkat inernerri tigoreerunikit kommunimi qinersinerup tamakkerluni inernerera naatsorsussavaat.

Imm. 2. Naatsorsuinerter ataatsimut naatsorsorneqassapput makkununnga agguataarlugin

- 1) Partiit ataasiakkaat taakkulu qinigassanngortitaat
- 2) Kattusseqatigiit ataasiakkaat qinigassanngortitaat
- 3) Kisimiillutik qinigassanngortittut ataasiakkaat.

§ 4. Kommunimi qinersinerup inernerter qinersinermik siulersuisunit Qinersinermut Ataatsimiitaliamut nassiunneqassapput, taassumalu kommunimi kattunneqartumi taasinerit naatsorsussavai makkununnga agguataarlugin

- 1) partiit ataasiakkaat taakkualu qinigassanngortitaat
- 2) kattusseqatigiit ataasiakkaat qinigassanngortitaat
- 3) kisimiillutik qinigassanngortittut ataasiakkaat

Tamanna tunngavigalugu kommunimi nutaami inerneq tamarmiusoq Qinersinermut Ataatsimiitaliap naatsorsussavaa. Ilaasortaaffit Qinersinermut Ataatsimiitaliap d'Hondtip periaasaa malillugu agguataassavai, tassa partiit immikkuutaarlutik ataasiakkaat, kattusseqatigiit immikkuutaarlutik ataasiakkaat aamma kisimiillutik qinigassanngortittut ataasiakkaat taasinerit pissarsiaat 1-imik, 2-mik 3-mik il.il. communalbestyrelsimi ilaasortat qinerneqartussat amerlassusaat tikillugit agguarneqassallutik.

Tamanna pereerpat ilaasortaaffik siulleq tutsinneqassaaq partiimut, kattusseqatigiinnut imaluunniit kisimiilluni qinigassanngortittumut kisitsimmik agguanerup inerneranik qaffasinnerpaamik pissarsisumut, ilaasortaaffiup appaa partiimut, kattusseqatigiinnut imaluunniit kisimiilluni qinigassanngortittumut kisitsimmik agguanerup inerneranik qaffasinnerpaap tullianik pissarsisumut ilaasortaaffit tamarmik agguataarneqarserlugit. Kisimiilluni qinigassanngortittoq ilaasortaaffimmik ataasiinnarmik pissarsisinnaavoq.

Imm. 2. Kommuniusimasuni kommunimi nutaami ilaasuni ataasiakkaani tamani kommunip nutaap

kommunalbestyrelsiani ilaasortat ilaat ataaseq nunami sumiiffiup sinnisaatut qinigaassaaq. Kommuniusimasut ilaata nunami sumiiffiup sinniisutitarissavaa partit anginersaata imaluunniit kattusseqatigiit qinigassanngortitaat amerlanerpaanit taaguunneqarsimasoq. Kisimiilluni qinigassanngortittoq kommunimi partit imaluunniit kattusseqatigiit taaguisuinit amerlanernit taaguunneqarsimaguni nunami sumiiffiup ilaasortaaffissa kisimiilluni qinigassanngortittumit pineqartumit ilaasortaaffigineqassaaq. Partit, kattusseqatigiit imaluunniit kisimiillutik qinigassanngortittut arallit amerlaqatigiinnit taaguunneqarsimappata tannermoortitsinikkut aalajangerneqassaaq kia arlata ilaasortaaffik pissarsiarissaneraa. Tannermoortitsineq qinersinermut ataatsimiitaliamit isumagineqassaaq.

Imm. 3. Ilaasortaaffit partiimit imaluunniit kattusseqatigiinnit ilaasortaaffigineqalertussat partip imaluunniit kattusseqatigiit qinigassanngortitaanut agguarneqassapput siulliullutik ilaasortanngussallutik qinigassanngortitat kommuniusimasumi nunami sumiiffiup sinniisutitaatut ilaasortaaffissamik pissarsisimasut. Ilaasortaaffit allat siullit pissarsiarineqassapput partiip imaluunniit kattusseqatigiit qinigassanngortitaannit nunami sumiiffiup sinniisutitaatut qinigaasimangitsunit kommunimi kattunneqartumi amerlanerpaanit taaguunneqarsimasunit, ilaasortaaffiup aappa pissarsiarineqassalluni qinigassanngortitamit amerlanerpaanit taaguunneqarsimasumut tulliuttumit, ilaasortaaffit tamarmik qinigassanngortitanut agguanneqarserlugit. Partit, kattusseqatigiit imaluunniit kisimiillutik qinigassanngortittut arallit amerlaqatigiinnit taaguunneqarsimappata tannermoortitsinikkut aalajangerneqassaaq kia arlata ilaasortaaffik pissarsiarissaneraa. Tannermoortitsineq Qinersinermut Ataatsimiitaliamit isumagineqassaaq.

Imm. 4. Nunami sumiiffiup sinniisutitaqarfiunerata kingunerisaanik ilaasortaaffit partiimit, kattusseqatigiinnit imaluunniit kisimiilluni qinigassanngortitamit pissarsiarineqartut amerlassusaat naatsorsuineq tamarmiusoq, tak. imm. 2, tunngavigalugu amerlaneruppata ilaasortaaffit amigaataasut naatsorsuineq tamarmiusoq tunngavigalugu agguanneqartunit kingullernit tiguneqassapput.

Imm. 5. Kommunalbestyrelsiniut, nunaqarfinni aqutsisunut ilagiillu sinnisaannut qinersisarnerit pillugit inatsisartut inatsisaanni §§ 50-imit 52-imut maleruagassat kommunini kattunneqartuni lkaarsaariarnermi Ataatsimiitalianut aamma kommunini nutaani kommunalbestyrelsiniut ilaasortanut taamatulli atuutsinneqarput.

Imm. 6. Qinigassanngortitat qinigaanngitsut ilaasortap peqquteqvalluni tunuarneratigut imaluunniit tunuarallarneratigut sinniisussatut ingerlasinnaapput. Kia sinniisussatut ilaasortaalernissaa aamma ilaasortaaffiup atorunnaartutut qaqqugukkut naatsorsuunneqarnissaa pillugit maleruagassanik Naalakkersuisut aalajangersaasinnaapput.

Imm. 7. Qinersinermut Ataatsimiitaliap sinniisussanut nalunaarsuiffik suliarissavaa. Nalunaarsuiffimm allattorneqassapput qinigassanngortitat qinigaasimangitsut, kisiannili imm. 5-imi maleruagassatut aalajangersakkat malillugit sinniisussatut lkaarsaariarnermi Ataatsimiitaliamut aamma kommunalbestyrelsiniut ilaasortaaasinnaatitaasut.

Imm. 8. Qinersinermut Ataatsimiitaliap qinersinermik allattaavimmut allassavai kikkut ilaasortassatut qinigaasutut isignerini, taavalu qinigaasoq imaluunniit qinigaasut qinigaanerannik allaffigissallugit.

§ 5. Kommuniusimasuni ataasiakkaani immikuutaartuni qinersineq kommunalbestyrelsiniut, nunaqarfinni aqutsisunut ilagiillu sinnisaannut qinersisarnerit pillugit inatsisartut inatsisaanni §§ 44-miit 47-mut allassimasutut qinersinermik siulersuisunit akuerineqassaaq.

§ 6. Kommunalbestyrelsip kommunimi nutaami Ikaarsaariarnermi Ataatsimiititaliatut piffissaq atuuffia tassaavoq 1. maj 2008-miit 31. december 2008 tungaanut.

Imm. 2. 1. januar 2009-mi Ikaarsaariarnermi Ataatsimiititaliaq kommunimi nutaami kommunalbestyrelsitut atuutilissaaq atuutissallunilu 2013-imil aprili komunalbestyrelsinut qinersinerup tungaanut.

Imm. 3. Kommuniusimasuni komunalbestyrelsit 31. december 2008 tunuassapput.

Ilagiit sinnisaannut qinersinerit

§ 7. Ilagiit sinnisaannut nutaamik qinersineq ingerlanneqassaaq kommunini nutaani komunalbestyrelsinut 8. april 2008-mi qinersineq peqatigalugu.

Imm. 2. Ilagiit sinnisaannut qinersineq komunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit inatsisartut inatsisaanni §§ 62-imil 71-imut malillugit ingerlanneqassaaq.

Imm. 3. Ilagiit sinnisaat nutaamik qinigaasut 30. april 2013 tungaanut atuutissapput.

Nunaqarfinni aqutsisut

§ 8. Ataatsimoorussanik nunaqarfinni aqutsisunik qinersisoqassaaq. Kommunip ataatsip iluani ataatsimoorussamik nunaqarfinni aqutsisut minnerpaamik nunaqarfitt marluk ilaassapput. Nunaqarfitt sorliit ataatsimoorussamik nunaqarfinni aqutsisoqassanersut ilaasortallu qassit qinerneqassanersut komunalbestyrelsimit aalajangiiffigineqassapput. Tamanna pillugu aalajangiineq ataatsimoorussamik nunaqarfinni aqutsisunik qinersinissap ukiup siuliata naannginnerani aalajangerneqassaaq.

Ataatsimoorussamik nunaqarfinni aqutsisunik qinersineq siulleq 2009-mi aprili ingerlanneqassaaq.

Imm. 2. Nunaqarfitt avinningarusimavissut nunaqarfillauniit inuttuut pillugit imm. 1-mi, oqaaseqatigiit aappaanni piumasaqaammut atatillugu Naalakkersuisut immikkorluinnaq pisuni immikkut akuersissuteqarsinnaapput. Naalakkersuisut aalajangiinerminni komunalbestyrelse pineqartoq nunaqarfinit marlunnit amerlanerusunik nunaqarfefqarpat qanoq annertutigisumik ataatsimoorussamik nunaqarfinni aqutsisuliisimanersut pingaartissinnaavaat.

Imm. 3. Ataatsimoorussamik nunaqarfinni aqutsisunik qinersineq pissaaq komunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit inatsisartut inatsisaanni malittarisassat naapertorlugit. Ataatsimoorussamik nunaqarfinni aqutsisunik qinersinermi, imm. 1 naap., ataatsimoorussamik nunaqarfinni aqutsisunut ilaatinneqartut nunaqarfitt qinersivittut ataasiusutut isigneqassapput.

Kapitali 3

Ikaarsaariarnermi Ataatsimiititaliaq

§ 9. Ikaarsaariarnermi Ataatsimiititaliami ilaasortaq ukumigut utoqqaanertaq inissitsiterluni ataatsimiinnissamut ataatsimiigiaqqusissaaq. Ikaarsaarianermi Ataatsimiititaliaq komunalbestyrelsit, nunaqarfinni aqutsisut il.il. pillugit inatsisartut inatsisaanni §§ 6-8-mut malillugit inissitsiterluni

ataatsimiissaaq, taamaattoq inissitsiterluni ataatsimiinneq kingusinnerpaamik 1. maj 2008
ingerlanneqarsimassaaq.

*Imm. 2. Ikaarsaariarnermi Ataatsimiititaliaq communalbestyrelsit, nunaqarfinni aqutsisut il.il. pillugit
inatsisartut inatsisaanni §§ 8 aamma 9 malillugit siulittaasumik, siulittaasup tullianik aamma siulittaasup
tulliata aappaanik qinersissaaq.*

*Imm. 3. Ikaarsaariarnermi Ataatsimiititaliami siulittaasumik qinersinerup ingerlanneqareernissaata
tungaanut Ikaarsaariarnermi Ataatsimiititaliap ataatsimiinnera ilaasortamit ataatsimiigiaqqusimasumit
siulersorneqassaaq*

§ 10. Kommunimi nutaami aqutsinissamut ileqqoreqqusaq suleriaassisarlu Ikaarsaariarnermi
Aataatsimiititaliap suliarissavaa communalbestyrelsit, nunaqarfinni aqutsisut il.il. pillugit inatsisartut
inatsisaanni nr. 20, 3. november 1994-imeersumi § 2 malillugu.

*Imm. 2. Ikaarsaariarnermi Ataatsimiititaliap pilersissavaa aningasaqarnermut ataatsimiititaliaq
ataatsimiititalianillu allequtaasunik pilersitsisinhaalluni communalbestyrelsit, nunaqarfinni aqutsisut il.il.
pillugit inatsisartut inatsisaanni §§ 18-imiit 31-mut malillugit.*

§ 11. Ikaarsaariarnermi Ataatsimiititaliap siulittaasua kommunimi nutaami borgmesteritut, siulittaasup
tullia borgmesterip tulliatut aammalu siulittaasup tulliata aappaa borgmesterip tulliata aappaatut
ingerlaqqissapput.

§ 12. Ikaarsaariarnermi Ataatsimiititaliani ilaasortat akissarsiaqartinneqassapput communalbestyrelsit,
nunaqarfinni aqutsisut il.il. pillugit inatsisartut inatsisaanni nr. 20, 3. november 1994-imeersumi §§ 17
aamma 37, aammalu communalbestyrelsintut, nunaqarfinnilu aqutsisunut ilaasortanik il.il. kiisalu
borgmesterinik borgmesterillu tulliunik akissarsiaqartitsineq pillugu nalunaarummi nr. 35, 5. oktober 2001-
imeersumi aalajangersakkat malillugit.

§ 13. Ikaarsaariarnermi Ataatsimiititaliap aningaasanut missingersuusianut siunnersuutaa
Ikaarsaariarnermi Ataatsimiititaliap siulittaasuata suliarissavaa saqqummiutissallugulu kingusinnerpaamik
14. juli 2008-mi.

*Imm. 2. Aningaasanut missingersuusiaq communalbestyrelsit, nunaqarfinni aqutsisut il.il. pillugit §§ 39-mi
aamma 40-mi aalajangersakkat malillugit ikaarsaariarnermi Aataatsimiititaliamit suliarineqarlunilu
akuersissutigineqassaaq kingusinnerpaamik 14. august 2008.*

*Imm. 3. Aningaasanut missingersuusiaq inaarutaasumik aalajangiivigneqariitsiarpat aningaasanut
missingersuusiaq pillugu nassuaat naatsoq Ikaarsaariarnermi Ataatsimiititaliamit tamanut
saqqummiunneqassaaq.*

§ 14. Ikaarsaariarnermi Ataatsimiititaliaq nammineq aningaasaateqarpoq. Aningaasaatit tassaapput
Ikaarsaariarnermi Ataatsimiititaliap Namminersornerullutik Oqartussanit tapiissutisarisimasinnaasai.
Ikaarsaariarnermi Ataatsimiititaliap sulineranut aningaasartuutit, Namminersornerullutik Oqartussat
tapiissutaasa saniatigut, kommuninit kommunimi nutaami ilaasuni akilerneqassapput. Aningaasartuutit
kommuninut agguataarneqarnissaat Ikaarsaariarnermi Ataatsimiititaliamit aalajangiiffigineqassaaq.

Imm. 2. Kommunimi nutaami kommunalbestyrelsit allaffissornikkut Ikaarsaarianermi Ataatsimiititaliamut sullississapput.

§ 15. Ikaarsaariarnermi Ataatsimiititaliap kingusinnerpaamik 1. august 2008-mi aalajangiiffigissavaa kukkunersiuinermi sulianut piginnaasaqarluartoq sorleq Ikaarsaariarnermi Ataatsimiititaliap 2008-mut naatsorsuutaanik kukkunersiusuussanersoq. Kommunalbestyrelsit, nunaqarfintti aqutsisut il.il. pillugit inatsisartut inatsisaanni nr. 20, 3. november 1994-imeersumi §§ 45 aamma 46 kiisalu nalunaarummi nr. 29, 18. december 1995-imeersumi §§ 9-miit 12-imut taamatulli atuutsinnejassapput.

Imm. 2. Ikaarsaariarnermi Ataatsimiititaliap 2008-mut ukiumoortumik naatsorsuutai kommunimi nutaami aningaasaqarnermut ataatsimiititaliaamit kommunalbestyrelsimit saqqummiunnejassapput, taamaalillutik ukiumoortumik naatsorsuutit kukkunersiusunut kingusinnerpaamik 1. juni 2009-mi saqqummiunnejassapput.

Kapitali 4

Ikaarsaariarnermi Ataatsimiititaliap aamma kommunalbestyrelsip pisussaaffii piginnaatitaaffilu

§ 16. Ikaarsaariarnermi Ataatsimiititaliap suliassaasa pingaarnersaraat kommunit kommuninut nutaanut kattunnejarnissaasa piareersarneqarnera, § 1 naap. Inatsisini oqartussaaffigisassatut aalajangersarneqarsimasut januarip aallaqqataanit 2009-imiit atuutilersumik kommuninit nutaanit isumagineqarnissaannut pisariaqartut Ikaarsaariarnermi Ataatsimiititaliamit aalajangersarneqassapput.

Imm. 2. Kommunip nutaap taaguutissaatut ilisarnaatissaatullu atorusunnejartut suunissaat Ikaarsaariarnermi Ataatsimiititaliamit aalajangerneqassapput.

§ 17. Ingerlatsiviit timitaasa siunissami sumi inissisimanissaat Ikaarsaariarnermi Ataatsimiititaliamit aalajangerneqassapput.

Imm. 2. Kommunip nutaap aqutsivigineqarnissa Ikaarsaariarnermi Ataatsimiititaliap piareersassavaa aqutsiviillu ineriertortinnejarnissaannut allaffissornermi aqutsivinni pisortaasussat pisariaqartinneqarnermissut amerlatigisut atorfinitssallugit. Kommunalbestyrelsit, nunaqarfintti aqutsisut il.il. pillugit inatsisartut inatsisaanni nr. 20, 3. november 1994-imeersumi §§ 21-mi aamma 65-im i aalajangersakkat taamatulli atuutsinnejassapput.

Imm. 3. Ingerlatsiviit timitaasa sumi inissisimanissaat allaffissornikkullu aqutsinermi pisortat atorfinitssinnejarnissaat kingusinnerpaamik 31. december 2008-mi aalajangiiffigineqarsimassapput.

§ 18. Kommunimi nutaami 2009-mut aningaasanut missingersuusiaq Ikaarsaariarnermi Ataatsimiititaliap akuersissutigissavaa. Kommunalbestyrelsit, nunaqarfintti aqutsisut il.il. pillugit inatsisartut inatsisaanni nr. 20, 3. november 1994-imeersumi §§ 39-miit 42-mut aamma kommunit missingersuusiornerat, naatsorsuutaat, kukkunersiusarneq aamma karseqarnerat naatsorsuuseriveqarnerallu pillugit nalunaarummi nr. 29, 18. september 1995-imeersumi §§ 1-imiit 4-mut taamatulli atuutsinnejassapput.

Imm. 2. Kommunimi nutaami siunissami ingerlatsinerup qanoq qaffasissuseqarnissaani pingaarnertut siunniussassat Ikaarsaariarnermi Ataatsimiititaliap suliarissavai. Isertitanit akileraarusiinissaq, akigititassat aamma kommunimi nutaami kiffartuussinerup qaffasissusissaa Ikaarsaariarnermi Ataatsimiititaliamit aalajangersarneqassapput.

§ 19. Kommunip nutaap isertitanit akileraarusiisarneq akigitallu 1. januar 2009-miit nalimmassassavai.

§ 20. Kommuniusimasut 1. maj 2008 kingornatigut taamaallaat aningaasartutigisinnaavaat 2008-mut aningaasanut missingersuusiani akuersissutigineqartuni ilanngunneqarsimasut.

Imm. 2. Kommuniusimasumi kommunalbestyrelsip 1. maj 2008 kingornatigut ilassutitut aningaasaliissutit inatsisit malillugit aningaasartutissanut tunngasuunngitsut Ikaarsaariarnermi Ataatsimiititaliaq sioqqutsisumik aatsaat akuersiseqqaarlugu akuersissutigisinnaavai.

Imm. 3. Kommuniusimasuni atorfit nutaat pilersinneqartut inuttaleqqinneqartullu piffissami 1. maj 2008-miit 31. december 2008-mut Ikaarsaariarnermi Ataatsimiititaliamit sioqqutsisumik akuersissutigineqarsimanissaat piumasaqaataavoq.

§ 21. Kommunini nutaani communalbestyrelsit kommunit aningaasaqarnerata ingerlarnga pillugu Ikaarsaariarnermi Ataatsimiititaliaq ingerlaavartumik paassisutissitassavaat.

Imm. 2. Piffissami 31. december 2008 tungaanut kommuniusimasut aningaasatigut iliuusissaannut maleruagassat Naalakkersuisut aalajangersassavaat.

§ 22. Kommuniusimasut atsiueqatigiilluni isumaqatigiissutaat, isumaqatigiissutigisaat aamma allatigut pisussaaffigilersimasaat tamaasa Ikaarsaariarnermi Ataatsimiititaliap misissuataassavai aalajangissallunilu 1. januar 2009 kingornatigut piffissaq taanna nallertinnagu sorliit atorunnaarsinneqassanersut imaluunniit allanngortinneqassanersut.

Imm. 2. Pisussaaffit pisinnaatitaaffillu, kiisalu kommuniusimasut pigisaat nalillit akiligassaallu tamaasa 1. januar 2009-mi kommunip nutaap tigussavai.

Kapitali 5

Sulisorisat

§ 23. Tjenestemandit kattunnermi kommunini ilaasuni atorfeqartitaasut ulloq 1. januar 2009-mi maannamut atugassarisaminntu naaleqquttunik atugassaqartitaallutik kommunimi nutaami atorfeqartitaalissapput. Tamatuma kingorna atorfinititsisarnermi oqartussaasoq tassaalissaq kommunalbestyrelsi kommunilu nutaaq atorfeqartitaaffiulissalluni.

§ 24. Sulisorisat isumaqatigiissutit imaluunniit inummik ataatsimik isumaqatigiissuteqarneq naapertorlugit atorfeqartitaasut kommuniusimasumi atorfeqarfingisimasami atugassarisat atuuttut assingi atugassaralugit suliassatik suliassaralugit nuunnissaminnik

Kapitali 6

Naatsorsuutinik tunniussineq

§ 25. 2008-mut naatsorsuutit kommunip nutaap aningaasaqarnermut ataatsimiititaliaanit kommunalbestyrelsimut saqqummiunneqassapput.

Imm. 2. Kommunimi nutaami kommunip pineqartup naatsorsuutai kommunalbestyrelsimit

kukkunersiusunut saqqummiunneqassapput.

Imm. 3. Kommunalbestyrelsit, nunaqarfinni aqutsisut il.il. pillugit Inatsisartut inatsisaanni nr. 20, 3. november 1994-imeersumi §§ 45 aamma 48 aammalu kommunit missingersuusiornerat, naatsorsuutaat, kukkunersiusarneq aamma karseqarnerat naatsorsuuseriveqarnerallu pillugit nalunaarummi nr. 29, 18. september 1995-imeersumi §§ 6-imiit 8-mut naatsorsuutinik saqqummiussinermi taamatulli atuutsinnejassapput.

§ 26. Kukkunersiuineq ingerlannejassaaq kommunip pineqartup naatsorsuutiminik kukkunersiusussatut toqqagaanit, tamannalu maleruagassaqartitaavoq communalbestyrelsit, nunaqarfinni aqutsisut il.il. pillugit Inatsisartut inatsisaanni nr. 20, 3. november 1994-imeersumi §§ 46-mi aamma 48-mi aammalu kommunit missingersuusiornerat, naatsorsuutaat, kukkunersiusarneq aamma karseqarnerat naatsorsuuseriveqarnerallu pillugit nalunaarummi nr. 29, 18. september 1995-imeersumi §§ 9-miit 12-imut.

Kapitali 7

Aalajangersakkat allat

§ 27. Ikaarsaariarnermi Ataatsimiititaliap sulinera pisortat ingerlatsineranni maleruagassat, matumanittaaq pisortat ingerlatsinerat pillugu paasitinneqarsinnaatitaaneq pillugu inatsisartut inatsisaat nr. 9, 13. juni 1994-imeersoq aamma pisortat ingerlatsineranni suliassat suliarineqartarnerat pillugu inatsisartut inatsisaat nr. 8, 13. juni 1994-imeersoq, pineqartunut ilaavoq.

§ 28. Ikaarsaariarnermi Ataatsimiititaliaq kommuniusimasut ilaannit communalbestyrelsit allagaataannik pisariaqartitsiguni, allagaatillu taakku pisortat ingerlatsinerat pillugu inatsit aamma pisortat ingerlatsineranni suliassat suliarineqartarnerat pillugu inatsit naapertorlugit nammineq atugassatut iluseqarpata allagaatit ingerlateqqinnejarnerminni nammineq atugassatut iluseqarnertik atuinnassavaat.

§ 29. Borgmesterit tunuartut piffissami 2009-mi 1. januarimiit 30. aprilimut akissarsiaqartitaassapput communalbestyrelsit, nunaqarfinni aqutsisut il.il. pillugit inatsisartut inatsisaanni nr. 20, 3. november 1994-imeersumi §§ 17-imi aamma 37-mi kiisalu communalbestyrelsinut nunaqarfinnilu aqutsisunut ilaasortanik il.il. kiisalu borgmesterinik borgmesterillu tulliinik akissarsiaqartitsineq pillugu namminersornerullutik oqartussat nalunaarutaanni nr. 35, 5. oktober 2001-imeersumi aalajangersakkat malillugit.

Imm. 2. Tamatuma peqtigisaanik borgmesterinut tunuartunut borgmesterit qinigaajunnaarnersiutaat pillugit nalunaarummi nr. 23, 12. september 1997-imeersumi piffissamut atuuffimmut aalajangersakkat sanioqqunnejassapput. Sanioqqutsineq taamaallaat pissaaq borgmesteri tunuartoq kommunimi kattunnejartumi borgmesteritut ingerlaqqissanngippat.

Imm. 3. Kiisalu piffissap atuuffiup qaammatnik sisamanik sivikinneruffiani borgmesterit akissarsiaannut aningaasartuutissat namminersornerullutik oqartussanit akilernejassapput.

§ 30. Kommunini nutaani communalbestyrelsinut, tak. § 2, imm. 1, aamma ilagiit sinniisaannut, tak. § 7, qinersinerit ingerlannejarnerannut aningaasartuutit Namminersornerullutik Oqartussat aamma

kommuniusimasut akornanni agguarneqassapput, taamaalillutik kommunit aningaasartuutigissallugit kommunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit inatsisartut inatsisaanni nr. 10, 31. oktober 1996-imeersumi §§ 73-mi aamma 75-mi aningaasartuutit taaneqartut.

Kapitali 8

Inatsisiliani allani allannguutit

§ 31. Kommunalbestyrelsit, nunaqarfinni aqutsisut il.il. pillugit inatsisartut inatsisaanni nr. 20, 3. november 1994-imeersumi makku allannguutigitinnejqassapput:

1. § 5 oqaasertalerneqassaaq imatut:

"**§ 5.** Inatsit manna kommunini nutaani, tak. pisortat ingerlatsiviisa aaqqissuuteqqinnejnarerat pillugu inatsisartut inatsisaat, Ikaarsaariarnermi Ataatsimiititalianut atuuppoq. Pisortat ingerlatsiviisa aaqqissuuteqqinnejnarerat pillugu inatsisartut inatsisaanni Ikaarsaariarnermi Ataatsimiititaliap sulinera pillugu erseqqissunik imaluunniit erseqqissaataasunik maleruagassanik peqarpat maleruagassat taakku inatsimmi matumani maleruagassianit salliutillugit atorneqassapput.

Imm. 2. Tamatumunnga tunngatillugu kommunit kommunalbestyrelsillu pillugit maleruagassat Ikaarsaariarnermi Ataatsimiititalianut atuuttutut aamma borgmesterit, borgmesterit tullii aamma borgmesterit tulliisa appaat pillugit maleruagassat Ikaarsaariarnermi Ataatsimiititaliap siulittaasuanut, siulittaasup tullianut aamma siulittaasup tulliata appaanut atuuttutut isigineqarput.

Imm. 3. Suliassat § 18, imm. 3-mi taaneqartut Ikaarsaariarnermi Ataatsimiititalianit isumagineqassanngillat."

§ 32. Kommunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit inatsisartut inatsisaanni nr. 10, 31. oktober 1996-imeersumi allannguutigitinnejqassapput makku:

1. § 6 atortuujunnaarsinneqarpoq

2. §§ 41-miit 43-mut atortuujunnaarsinneqarput

3. § 65 atortuujunnaarsinneqarpoq

Kapitali 9

Atortuulersitaanera

§ 33. Inatsisartut inatsisaat ulloq 1. december 2007 atortuulerpoq.

Imm. 2. Kalaallit Nunaata nunap immikkortuinut kommuneqarfinnullu aggorneqarnera pillugu inatsisartut inatsisaat nr. 11, 30. oktober 1998-imeersoq 31. december 2008-miit atortuujunnaarsinneqarpoq.

Namminersornerullutik Oqartussat ulloq 19. november 2007

Hans Enoksen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut